

春天之約 (1)

學習範疇：親子伴讀(對話式閱讀)

學習目標：

- 增強圖書概念 - 辨認圖書的基本結構及閱讀文字的方向
- 促進對故事的理解及回答不同類型問題的能力 - 回答與故事內容有關及延展性的問題

所需物資：

- 故事圖書【春天，小兔來！】(可於公共圖書館借閱圖書)



<https://webcat.hkpl.gov.hk/lib/item?id=chamo:2692121&fromLocationLink=false&theme=WEB>

- 問題範例 (參考用)

步驟：

1. 成人展示故事圖書，並向兒童提問與該圖書有關的問題：
 - 「這本書的封面及封底在哪裡？」
 - 「這本書的書名在哪裡？」
 - 「你能夠說出這個故事的名稱嗎？」
 - 「這本書的封面上畫了些什麼？」
 - 「你猜想一下這個故事關於甚麼？」
2. 成人邀請兒童一起閱讀【春天，小兔來！】的故事，鼓勵兒童留心看圖畫及聽故事，期間回答有關問題。
3. 成人以口語說故事，每說畢兩至數頁故事後 (請閱問題範例)，稍作停頓。

4. 參閱問題範例，挑選兩至三條問題，就故事的圖畫及內容向兒童提問，其中需包括一至兩條與故事內容有關的問題及一條延展性的問題。
5. 成人把兒童的回應擴展成完整句子作回饋，以提升兒童的表達能力。
6. 重複步驟 3-5 至完成故事上半部分 (即 P.1-10：由「森林裡，每隻小兔子都有兄弟姊妹」至「小鳥說：『等春天來吧』」)，下半部分留待【春天之約 (2)】繼續。
7. 請兒童說出今天所聽的故事名稱，告訴兒童下次繼續。

注意事項：

- 故事圖書取材自：喬依絲·唐巴、蘇珊·巴蕾著，丁凡主譯(2005)：《春天，小兔來！》，台北，遠流出版事業股份有限公司。成人可自行購買，或以其他與主題有關的故事圖書代替。如採用自選圖書，建議成人預先就故事內容構思好內容性及延展性問題，以便在說故事的過程中提問。
- 問題範例中有內容性及延展性兩類問題。延展性問題旨在訓練兒童的推理、解難、類化、假設等能力，成人可鼓勵兒童一起動腦筋，想出更多可行的答案，透過討論豐富經驗。
- 若兒童的理解能力較弱，建議成人集中發問內容性的問題。
- 若兒童對故事的理解能力較高，對與內容有關的問題已有充分的掌握，成人發問時可增加延展性問題的數量，進一步提升兒童的語言推理能力。

此教材參考自協康會《聽說讀寫小寶盒》(低班)。

學習範疇：親子伴讀 (對話式閱讀)

問題範例

- P.1-2 「森林裡.....等春天來吧。」
- ◇ 「小兔子喺邊度生活呀？」(森林裡面)
 - ◇ 「故事嘅主角叫咩名？」(小莫)
 - ◇ 「喺圖畫度，你見到啲小兔子喺度做咩嘢呀？」(踏單車、踢足球、盪鞦韆)
 - ◇ 「小莫問佢媽媽咩問題呀？」(為什麼我沒有兄弟姊妹?)
 - ◆ 「咩係兄弟姊妹呀？」(哥哥、弟弟、姐姐及妹妹)
 - ◆ 「你有咩兄弟姊妹呀？」(自由發揮)
- P.3-4 「可是春天還要好久好久才會來.....枝葉兔子沒有回答。」
- ◇ 「嗰陣係咩季節㗎？」(秋天)
 - ◇ 「小莫有咩好主意呀？」(做一隻兔仔陪牠玩)
 - ◇ 「枝葉兔仔係用咩嚟做㗎？」(落葉和枯枝)
 - ◇ 「小莫邀請枝葉兔仔同佢玩咩呀？」(鬼抓人 / 捉迷藏)
 - ◆ 「點解地上會有咁多落葉嘅？」(因為秋天陽光強度減弱，天氣乾燥，樹葉便會枯黃從樹上落下來，令樹木可以減少水分流失。)
 - ◆ 「好多時喺田嗰度，農夫都會用樹枝同草整稻草人㗎，你估吓稻草人有咩用呢？」(把雀鳥嚇走，保護農作物免被雀鳥吃掉)

P.5-6 「然後一陣風吹來.....等春天來吧。」

- ◇ 「點解枝葉兔仔身上嘅葉唔見晒嘅？」(被風吹走掉了)
- ◇ 「圖畫度嘅枝葉兔仔剩返啲咩嘢？」(樹枝和頸巾)
- ◇ 「除咗小莫之外，仲有咩動物？」(老鼠)
- ◇ 「老鼠同小莫講咩呀？」(等春天來吧！)
- ◆ 「如果好大風，會吹到女孩子嘅頭髮亂晒，有咩方法可以唔俾大風整亂嘅頭髮呢？」(用髮夾夾著頭髮、紮辮子、戴帽子)
- ◆ 「有啲咩活動係要有風先玩得㗎？」(放風箏、玩風帆)

P.7-8 「可是春天還要好久好久才會來.....但是雪兔子不會玩雪球。」

- ◇ 「今次小莫用咩嚟整兔仔呀？」(雪)
- ◇ 「佢想當雪兔仔係佢嘅邊個？」(牠的妹妹)
- ◇ 「小莫想同雪兔仔玩咩呀？」(玩雪球)
- ◇ 「喺圖畫度其他兔仔喺度做緊咩？」(滑雪、擲雪球)
- ◆ 「點解雪兔仔唔識玩雪球嘅？」(因為它是假的)
- ◆ 「冬天嘅時候，天氣寒冷，我哋早上起身有咩方法知道外面幾多度呢？」(看電視、聽收音機、打電話查詢天氣、上網看)

P.9-10 「第二天.....等春天來吧。」

- ◇ 「雪兔仔點樣呀？」(融掉了)
- ◇ 「小莫幾時雪發現兔仔融咗㗎？」(第二天)
- ◇ 「雪兔仔條頸巾係點樣㗎？」(淺藍色、有黑色格線的)
- ◇ 「邊個叫小莫等『春天嚟喇』呀？」(小鳥)
- ◆ 「點解雪兔仔會融化嘅？」(因為被太陽曬，太陽的熱力使雪兔仔融化了)
- ◆ 「除咗雪兔仔之外，仲有啲咩都係會融化㗎？」(雪糕、雪條、冰.....等)

此教材參考自協康會《聽說讀寫小寶盒》(低班)。